摘藻堂四庫全


書薈

要 经 部

欽定四庫全書管要 紫嚴易傳卷二

詳校官祭酒臣幸讓恒





窗 盍 内 **灾四庫全書** 之分也大來何以為泰大來則自君及天下無 坤變而乾陰往於外陽來於內陰小陽大君子小人 善而從其為善正念一與天地鬼神知之君子 將有以保之我之百姓將有以利之吾心勃 為 則 不改圖而來乎使君而無有是念是陽氣未複 君子之有剛德者並進夫君之心若曰我之社 天地裕萬物安中國服四東宜其泰然則 而能致大者之來其必自心始人君之心剛 人君

哉往來自此判然則言致泰者在君心之剛而已泰 中皇極之道斯為盡是必寡欲而無私必以社稷天 君子罔有小人間之夫為人君而剛內柔外執德之 於是剛德之君子悉處於內為心腹任要職者莫非 下為已愛必能斷而不惑於衆說小人将何所容跡 一為臨三為泰至泰剛德成矣剛内為泰其心剛也 得以危其身以敗亂天下國家陽自內來一為復

天未欲泰也君子知夫道之不同不肯違天以幸萬

Ł

2)

1. die To

紫巖易傳

莫不奮達交通之應也而天地之氣得其正實自夫 君子獲用於時何謂上下交而其志同君臣之志在 有不順人心者人心悅歸和氣可致故天地交而萬 消也申言泰之所以為泰也君子類進發號施令問 物通方春三陽用事天地之氣騰降於上下而萬物 陰內健而外順內君子而外小人君子道長小人道 治功利及天地萬物曰吉亨泰小往大來吉亨則是 天地交而萬物通也上下交而其志同也內陽而外

四月

其化聖人之心仁矣大矣夫 皆國有君子致之故曰則是天地交而萬物通也上 小人君子小人各當其位也聖人於小人也外而已 君臣得體也君用健臣用順事無不濟內君子而外 下交而其志同也内陽外陰陰陽得正也内健外順 心臣之心即君心相與以誠讒邪莫閒是為交二事 天下而不在身是為志同上下交云者君之心即臣 日必絕棄之則姦心滋生為吾治害外之所以俟 长送の身 Ξ

左 右民 於民也夫財成本自君心心正則身正身正則所 而萬物得其性自然民協于中致力於天地是致力 之也箕子為武王陳洪範自五行至五福六極 君子並進治道可行正心術而五行得其序敷政教 日天地交泰后以財成天地之道輔相天地之宜以 不正固有以格天地而均節其道其用微矣若 則 見於政教之跡因天下萬物之宜而還以導 為

金欽

定四庫全書

初 **聚在外為民且陽下陰上二氣交感各得其中陽為** 也曰志在外且上有柔中之君下有同志之賢進必 九拔茅茹以其彙征吉象曰拔茅征吉志在外也 何取於茅以況君子有潔白正直之德而可以通 凡厥庶民惟汝極錫汝保極所以左右民者至矣坤 也君子不後時以縮在泰必類而進為道為天下 陰為右左右之而使歸中也 紫嚴易傳

相之道畢備其中其曰斂時五福用數錫殿庶民

得尚于中行以光大也 九二包煮用馮河不遐遺朋亡得尚于中行象口包荒 應之包煮用馮河容也不退遺朋亡公也煮包則 才者勉馮河用則強暴者化不遐遺朋亡則志仁身 正臣道洪矣泰治之時君臣各得其志為大臣者 為拔茅為彙初應四而二剛俱上應曰以其彙征 二有乾剛之德其容如天其公如天中道上通君心 合合必澤加於人口征吉坤初變異為茅三陽連進 不

歃

定四庫全書 一

陰二承之用馮河象陰荒也陰在外包也陽剛不中 矣事業豈不從而光大哉坤陰在上包荒象三比衆 失所一才見棄一事不公有以害吾治其為中也至 難汲汲乎荒之包馮河之用不以遠棄不以近比所 君也當考二之心處至治而兢兢若未治惟恐一夫 以作成人才杜絕私黨之意甚備宜得尚于中行之 河也應坤為不遐遺為朋亡乾中為光大

不以天下為心且以天下為公哉二剛中知保治之

金欽 福象曰无往不復天地際也 九三无平不陂无往不複戴貞无咎勿恤其孚于食有 其臣必怠其德必衰其政必慢斯亦自然之理不有 訓 天地氣數中則平過中必變人事亦然聖人知幾示 定四庫全書 君俾知夫以泰為憂不以為樂鮮不顛覆於後也 復 於泰觀山川陵谷之遷變日月星辰之推移平陂 君子知艱守正不恤一已利害而盡 故不能逃氣數自然也夫治至於泰其君必 卷二号月 誠以 輔道 驕

實也不成以字中心願也 文 E 日 单 A M 四翩 中進退盈虚自此分平陂往復所由生也互充充口 孚若曰畫在我之誠以啓迪弼正而不恤其他則泰 為食陽為福互體震震以恐致福 而道行志得利澤加施矣曰于食有福乾坤相交而 治可長保也夫國家尊榮君子食人之禄可以無 翩不富以其鄰不戒以孚象曰翩翩不富皆失 紫巖易傳

九三雖剛過不中而有乾健震動不息之體故勉以

信之道其心若一不戒以手安有害治於後者哉陰 鳥雅有翩翩勢小人降心從君子象也知君子有可 無於世使之中心樂從君子之化是小人皆為君子 類從化君子為天下圖何其遠乎夫小人未當一日 **究為不戒** 下順為翩翩陰虚為不富三陰為鄰陰從陽為孚反 也泰至是而盛四自內為三陰首下從羣陽其順若1 三陽内升君子盛矣其道足以格小人而信之俾率

六五帝乙歸妹以祖元吉象曰以祖元吉中以行願也 下之仁有加無已於此見其心矣嗚呼賢者民之命 降之休日祉六五為泰主以柔用中不謂既治而 長乙次也舍甲之剛用乙之柔非賢德之君孰能為 帝乙古賢王稱也在易象取謙以下下之義甲十日 日忘下賢廣覽博取惟恐英才一或沉於下其於天 之妹三陽自坤變有妹象也社謂何福也治盛而天 之歸妹謂何應九二而并與三陽下之也三陽而謂 紫嚴易傳

大也 歸生化之功此為大曰以祉元吉云以仁而獲吉之

天下賴以生也至治而不忘下賢英才繼進如妹之

定匹庫

全書

其命亂也 上六城復于隍勿用師自邑告命貞吝象曰城復于隍 其反矣城復失衆也失衆何以守邦况用師子勿用 在泰以陰居上剛德不足而權移於下衆失於內否

師云者當及已而自治耳自邑告命命自下出也命

九足日華全書 一 **录曰否之匪人不利君子貞大往小來則是天地不交** 否之匪人不利君子貞大往小來 戒嗟夫治至泰極荒淫驕奢所自生也荒淫驕奢之 戰哉坤土為城復互允互異為告命 主命必移於臣而天下之心失矣内何以守外何以 政出多門讀雨無正之詩可以緊見此最泰極之大 不由君其各為貞且天下之亂莫大於權臣擅命而 紫巌易傳

内柔而外剛內小人而外君子小人道長君子道消也 利君子貞君子不用國非國矣天地不交是陰陽錯 君之剛達聲色輕貨利給一巴之樂先百姓之憂君 否三陰在內其象有二人君剛德消於內一象也小 人柔邪者畢處要位而擅事於内二象也盖人君剛 剛也否將有蔑貞之凶君子卷道而懷可也故不 既消則小人乗閒緣類而進莫可止過矣熟為人

而萬物不通也上下不交而天下无邦也内陰而外陽

ŗ 巴可華白加 於事朝廷微弱諸臣强大中國微弱四夷强大內柔 同 度蕩然不復有也此猶可以為國乎否泰內外 道不通為君者騙亢於上為臣者蔽塞於下網 亂萬物不得逐其生也上下不交是君臣各有心其 無邦同夫君子為國輕重如此而世主貪一已私 俱不得其理且君臣各有心志不在天下日有邦 也泰曰健順至否易之為柔剛盖君臣失德已見 剛義也嗟乎君子一不用於時大而天地細而萬 紫嚴易傳 卦體

君 由 亘古今不易之理今也舍君子而 岡1] **欲疎遠剛賢終莫悟也嗟乎坤内邦邑東也否以乾** 為君子矣兹 子 乾 成也且致否者人也而否之則 徳 不 君道也而坤陰變其內剛 則 而日否之匪人慨歎之辭也變坤為泰變乾為 用自罹其禍夫用 政失厥中 非天奪之鑑 小人乗隙以進而 君子必 而 然子 徳 治 消矣夫人君内 用 匪人不然何以棄 用 聖人知其不 褐亂亟作 小人其必以 小人必亂 否 可 ヷ 無 vt

象曰天地不交否君子以儉德辟難不可榮以禄 ?) 言不敢言可為不敢為高虧厚禄可致不敢致君子 考唐明皇在開元時侈心已萌於中若姤一陰之 内消矣小人得志引類而來亦聲同氣感之符也當 君子共儉律身不為時變否之儉德盖隐德不彰可 生云楊李桑間進卒肇大亂人君慎夫心念之微哉 殆盡是以否一陰生曰姤二曰遯三曰否至否剛 否陰可消也陽不可消也坤變至三君之剛德淪喪 J. J. 1 紫巖易傳 始

初六拔茅茹以其彙貞吉事象曰拔茅貞吉志在君也 金页四月全書 正道一喪將孰與維持振起之於後君子見幾其心 非忘君且忘天下也知夫言為之無益祗害其身而 仕全身遠害而已盖君子為正之守所以存道道存 外為不可祭坤邑為禄 仁坤吝嗇為儉德三陽在外為辟難陽本內也而居 而志可行且國有人馬國終不亡矣兹亦不憂君者 期以守正是為憂君之深君子陽陽詩相招為禄

六二包承小人吉大人否亨象曰大人否亨不亂羣也 茅三陰為彙初本乾體為貞茹根也初應四連四之 包初承三侯時之後其事則吉其道以事陳平用於 進以害其生其意不亦遠哉茅至柔物乾一變異為 與陽俱退貞可嘉也 紧嚴易專

貞吉二否亨皆君子事何邪曰聖人不與小人在內

所為與曰志在君否三陰在內小人用事時也而初

勉君子使各盡其道也聖人仁爱生民不忍小人选

六三包羞象日包羞位不當也 陽消陰盛卦也非智識洪大者為之扶危解紛天下 終否而已二五得剛柔中聖人立此象勉後世君臣 漢狄仁傑用於唐二得中於否曰大人大人以道為 任而識其大者不肯規規然自異羣陰中招怨取疑 以害吾道也曰不亂摹否之二五何以皆曰大人否 權不失其正此又二所以為大而事於否也 不以既否而怠其道且君子俱退已獨進為體道

金欽

定四庫全書

卷二

九四有命兄咎疇離社象曰有命无咎志行也 君奉天命以施令臣奉君命以行事萬世不易之理 為包異進退不果為包羞 包羞而仰視天俯察地終不能無歉於心也陽在外 而否亂之時以剛德處近君位能承君命而大有為 者也羣陰用事三先之跡其不中不正之資欺天問 三過中有互異允體於否為柔順不正且志在諛說 上妬賢賊民何所不至三順而處之不自以為羞曰). j., [] 紫巖易傳 さ

矣周公大語書命皆本成王是以十夫翼子大難竟 君命行志於道為順且君子同心致時於治並受福 失心必遺害於天下後世何祉之離惟夫在否而以 有 下所同戴者君也近臣而挾剛以擅君命於否是為 於天下臣之恭也其事為難四居互異中異風為命 四届全書 臣夫權臣天人之心所 日有命心每有之不敢忽也其至誠恭順之意未 德而異順事上故能承命以動均福其類夫天 卷二 共惡而深疾之者其背道

金

犮

位正當也 九五休否大人吉其亡其亡繁于苞桑象曰大人之吉 道在於安在於存在於治不待夫既否而後為也先 御六馬為人上者奈何不敬緊桑之義也且休否之 在民寧恩傷之傷之則危亡无日矣書曰若朽索之 慮患若緊馬於苞桑者然苞桑民柔象也有國之本 當自用而忘君云三陽為轉陽實為社 預圖此大人之所以吉與九五以剛中至德履乾 **祭競易傳** 主

歃 民者國之元氣也人君一念在民則恣情恃理之事 體異異柔木為苞桑異繩直為繁乾五為大人嗚呼 子曰為此詩者其知道乎休否非知道者莫能也互 必不肯更為民之心歸之元氣復矣否以休也人君 体之道詩曰追天之未陰雨徹彼桑土綢繆牖户孔 於上无須臾忽其否可休必致理也且大人休否之 位下六二之賢而應之君臣兢兢思所以保义百姓 定四庫全書 微矣天下徒見其常安常存常治而莫知所以

上九傾否先否後喜象曰否終則傾何可長也 てこう 豈不大哉其亡其亡又以見其心念之正也 之道為非自强其剛德而以利 惟患乎不能誠意以復其心心復而天人可格為用 數之消長與德終始人君當因否極至時固有可傾 天地之理陰陽之運數極必反上九居否終以乾 之德在上進德不已陽可復而泰也曰先否後喜且 玩日則怠樂是安否不可得而傾矣為君者其勉 ė As duto 紫巖易傳 天下定社稷為志優 十四 岡]

也唯君子為能通天下之志 **彖曰同人柔得位得中而應乎乾曰同人同人曰同** 同 釛 野亨利涉大川乾行也文明以健中正而應君子正 定四月 夕言 剛而後否可傾可不戒夫互允為後喜 君子至明之徳上同於天故能同天下而天下心歸 人于野亨利涉大川利君子負 於剛不可歸之時而曰姑侯時之來也必若上九之 乾離

貞不正則有所不利君子東文明中正之德天下所 健中正而應君子正也惟君子為能通天下之志申 乎乾口同人同人于野亨利涉大川乾行也文明 利涉大川九五剛中為君子為貞柔得位得中而應 謂善與同好天下所謂惡與同惡欲與聚惡勿施天 適莫之地公道盛行大難以濟日利涉大川利君子 之口同人大同无私若天之公曰于野專野曠大无 下之心孰不服從是為同人之貞乾上為野乾健為 J., | 紫藏易傳 五

健中 中正而應二五應天下莫不應君子之貞不亦大哉 同 言同人之所以為同人也六二以柔中為 夫貞天下所歸惟貞則以我之心為天下心欲惡靡 一應九五日柔得位得中而應乎乾九五德同於天 者大乾行謂其道不息難以健濟文明離體 不日剛而日乾夫以大中應乾而奉陽畢從 以禮交物物无不燭曰文明文明 正而應謂五五以大中至正之道下應於二 而用以誠之 一卦主而 健 則

歃

定匹庫全書

欴 象日天與火同人君子以類族雜物 定四車全書 惡凡以類同者皆曰族類而用辨大同之道也族類 肖襲情記曰非此族也不在祀典然則君子小人善 物辨天下以治則車書可同四海可一矣火性炎上 周人各有族類而辨之則愚智處宜貴賤優位賢不 不同同之非有至公至明之德何以克為自伏義至 天下之志離火在人屬心為志 且將合天下之志通為一矣曰唯君子為能通 紫藏易傳 十六

初 出 九同人于門无谷象日出門同人又誰咎也 君子之同非物我畫忘渾渾與世為一如莊老所 係心是必將攬天下之情而用 而 明之德而已 有 離明德位居同人先而汎然能 徼之行誰其從之不若静退不出之愈也初履 不 忤於物故得物之情而可以用其同 其同於後故无咎 與人同 無私黨 自為崖

與天同

體同人取天火立象君子法象則法其至公

於 足口車全書 六二同人于宗吝象曰同人于宗吝道也 君子無意於天下則已君子而有意恵利天下非同 之從則為我應者鮮矣又安能廣攬人才以輔成 不苟然耳二以陰在上為門 為也彼將有以用其同於天下使天下各家其惠利 一柔中為一 則莫為之助而所同之狹亦不能大有為於時且 以陰居五陽中產陽樂同價必欲捨剛陽惟柔陰 卦主聖人嚴為之訓曰同人于宗吝夫 紫巖易傳 ナセ

九三伏戎于莽升其高陵三歲不與象曰伏戎于莽敵 宗也語曰如有周公之才之美使驕且各其餘不足 慎哉二居離中離魔必有所附其在同人不可不慎 離處乾下離為戈兵為伏戎互體異名異以陰木生 也三歲不與安行也 觀也已周公惟賢才並用不牽私黨道以盛行二其 也或曰應五為宗夫二五君臣位且五陽二陰非已 主有大之業哉宜其各象釋之日各道謂於道為各

Ċ 九四乗其墉弗克攻吉象曰乗其墉義弗克也其吉則 אול בי זיין איים ויין 吾君臣正應懼聖賢同心而正道行於天下已不得 不為國計不為百姓計設心不仁莫肯恤也三歲不 正應三四以剛閒之譬諸侯强大與夫小人才健害 與而象曰安行盖以惡長不悛恬不知悔吁其可畏 以逞肆私欲非己之利者大可畏哉夫小人為身計 紫發易傳 ナベ

允澤為莽變乾有重艮體為高陵三歲乾數夫二五

困而反則也 中直也大師相遇言相克也 五同人先號咷而後笑大師克相遇象曰同人之先 害其為同也九四乗離之剛離中虚陽包之為墉 義故吉吾於此見聖人之心許遷善困而反則謂 反身從義棄前非圖後善是不拂於天地之心矣 四位近君而以陽居陰知道之不勝而能自反以歸 五以中直相與天人與之義安可閒義所弗克而 不

臣屋有事

ここ) 心其利斷金同心之言其臭如蘭以離火乗乾金其 心二之心即五心其為中直也大矣繫辭曰二人同 天之與火其德又同二五俱得中位是五之心即 直 理萬物莫大乎中直夫中直物可格也況於人乎中 心通迹間其憂在先道之苟勝閒何能為吁經天地 無所不通非强梗堅剛者所能聞曰斷金心同 則君臣之心本自相通何憂不遇同人本離體 號施令罔不盡善曰如蘭互異為蘭夫五二正應 紫嚴易傳 ナ九 而 而

鉑 同卒用相遇以一天下而静其難可謂盛矣先號咷 道若師之克離為戈兵九五以剛處中離體在下羣 天下而不在身聖賢之心也互離異允異風光說充 後笑何也以天下為憂至誠惻怛之意發見於外曰 定 口為號咷為笑大師克相遇克言與之者衆所勝 心求合於上嫉娼有德排之讒之九五剛中心惟 而二剛害之二剛方健已德不足必欲以已不正之 匹 **咷君臣相遇道行天下有足樂者曰後葵憂樂在** 庫全書 卷二 在

上九同人于郊无悔象曰同人于郊志未得也 忘寵辱遠勢利悔無自生雖然君子之心未當一日 邑外為郊遠人而同之於郊相與為澹泊寂寞之遊 心而己中直者無欺愧於天地為用至大故惟中直 陽從之為大師嗚呼君臣之間亦在夫勉已中直之 君臣一心而可以大同於天下也

於包日華 全 ·

紫藏易傳

主

不在天下使得位於時今日設施前日静養功耳同

人于郊志雖未得悔則无之其心初不忘天下也乾

录曰大有柔得尊位大中而上下應之曰大有其德剛 健 大有元亨 WELL STATES OF THE STATES OF T 而文明應乎天而時行是以元事 大有自乾變乾變而巽仁德以行所亨者大曰元亨 子進德不謂居無事而輒已也 不用其同邪雖窮居約處而志同道合以琢以磨君 上為郊邑内也郊外也且郊猶取於同人君子何適 離乾上下

2 2 7 12 2 15 時行云者盖以當有大之世非用柔無以得天下 是為大有剛健文明二體剛健善斷文明善應剛 中者天下之所歸而況於賢哉剛賢畢應所有者大 下羣陽莫不畢應曰柔得尊位大中而上下應之夫 六五盖乾五尊位惟其以乾剛用離明體協大中 諸天道而用離柔離萬物相見於時為正為時 位得乾之中日大中應乎天而時行謂五求乾 誠盡於內文明而禮盡於外合是二美中德斯 紫嚴易專 Ŧ 剛

象曰火在天上大有君子以過惡揚善順天休命 面 页 匹 厚 全 書 善必善加於天下惡必惡加於天下過惡揚善以順 和氣致福休命之來莫可止禦人君大業其將永久 天下心是為順天天人之心本自一致也天心眷佑 天休滋至矣夫善者天下所甚愛惡者天下所甚惡 德至是大矣 如日之升明德普施明德既行則善惡各得其正而 非得賢無以保天下大業時乎時不可違也人君仁

灾 初九无交害匪咎艱則无咎象曰大有初九无交害也 AT DI THE CO TO 也初未有位當大有時君子莫不欲進以行其道道 惡揚善 至五而艮止之四陽俱復是為大有陽善陰惡為過 則曷可不亟求之於微下而進用之哉卦自一變坤 知善人之有益天下國家也善人在上天休滋至然 初居四陽下曰无交害四居四陽上曰匪其彭何義 紫藏易傳

不替夫人有楊之之義天有過之之義詳觀此象而

聖人著此訓惡夫舍正應而他適也 不長矣曰艱則无咎三陽在前其行也艱艱斯无咎 匪 則 若夫四處近君位尚非以中正絕類之道立人之 之不行君子恥之懼利澤不及於人也故曰无交害 罪也四方體公忠事上有炎上之體初不得交日 利天下有所不肯為也故曰匪其彭雖然无交 各惟艱以守貞安順義命不妄求合上必 嫌疑讒謗之與殆不可遏止明招君子欲全其道 我知答

九二大車以載有攸往无咎象曰大車以載積中不敗 去偽止私寡欲積中之道也積若水之積其積厚其 言之德也其目正也公也直也誠也恭欽也仁也善 積中非一日事中積用能任天下之重如大車載物 處乾陽中乾良馬其德健變卦有坤體為大車臣之 沛乎其有餘裕曰大車以載有攸往无咎中者何總 也凡德之美者皆曰中君子於中不可須臾忘開邪

人害也 九三公用亨子天子小人弗克象曰公用亨子天子小 中君子志可行時也何往不利哉嗚呼中不積則敗 積且在上有柔中君屈已下之奉賢並進而已獨得 以既治而怠其中也一日失中天下被害可不畏與 天下事生民之命將無所託後之為臣於大有慎勿 負大舟必勝任矣二得乾剛正中剛故不息是以能 欽定四庫全書

Ż M D 101 / 1. 1. 蔽其君以毒亂天下者也使若斯人而居上位必為 **名下兌說異順為小人嗚呼小人以事君為容悅無** 不能勝己之私不可與言公也三重剛立互異初互 為國家之利無窮曰公用事于天子小人弗克小人 互乾中用能盡至公之道曰公公道盛行大治可永 以柔居離中五陽宗之曰天子九三剛健履位位居 以直道格君非心而致君為堯舜之君大人事業五 不用其私為民之賊為政之患為國之憂是將壅 紫巖易傳

九四匪其彭无谷象曰匪其彭无咎明辯哲也 是謂匪其彭是謂无咎不然蔽賢取容將得罪天 後世各之大者四位在離明先下履乾剛明足以辯 遠之也心公道直不牽其私使人人得盡其道於上 徳為三陽先且其位近承柔中之君儻挾羣陽以事 盡忠於君無下比三陽之嫌非見幾孰能之四以 上得无嬌拂取疑之憂乎四匪其彭非棄絕賢才而 天下大害有大之君尤宜察諸 岡川

とこり 如之吉易而无備也 六五厥孚交如威如吉象曰厥孚交如信以發志也威 孚曰殿孚交如威如古離為火為戈兵為威如夫 莫敢為非雖荒服遠裔知所畏慕率從吾化初不持 征伐刑罰之施也六五自乾變內剛外明其明足以 君臣交孚以道則德修政立天下雙然遷善遠罪 得失禍福之幾而剛能行之日明辯哲三陽為彭 知天下之賢九二剛中順而應之剛柔相交一德 į 紫嚴 易專 主

安用備惟其君臣交孚所備大矣信以發志謂何夫 敢予侮不必屑屑然事備具之末非謂壞法亂紀漢 於上網 之六五威如象辭何取夫易而無備傳曰百萬之衆 不如一賢盖賢者立人之朝則衆賢從而輔之君正 人有天下大業政令教化之防不可一日弛自古紀 惟道德是引民不犯有司蠻夷率服威如也堯舜 无以備也卦本乾體乾以易知曰易堯舜之時君 紀法度明於下君臣相說德威遠揚四方莫

金贞

匹

庫

全書

· 於定四庫全書 上九自天祐之吉无不利象曰大有上吉自天祐也 盖信順可以得天人心信順一 柔中為無備離明中虚為信為志 臣之間宜先勉夫信信立而志發於外斯有合矣五 君臣而一有敗愧之心必不能相與合志而有為君 天祐之夫子繁辭釋之曰履信思乎順又以尚賢也 上九以乾體位離明上剛健有明德故能上賢而自 人上九體信順在上又能以此尚信順之臣君臣遇 紫藏易傳 體事順天者必信於 子六

食無補於用是逆天者所為何以得天下之賢與之 之間一失其信天下將漠然離心莫可復合雖有兵 足兵問謂兵食可去民無信不立盖號令賞罰舉措 天道斯祐其吉大矣互兄承之為復信乾五變得坤 共保有大之治上九躬復信順剛賢畢應人既助之 人為心人之所助天其祐之也昔夫子對子貢足食 不利交獨曰自天祐之繁辭無天人而言天無心以 合其道盛行而恵澤加於天下是以自天祐之古无

坤艮 **录曰讌亨天道下濟而光明地道里而上行天道虧盈** 鎌 考君子有終 而益議地道變盈而流謙鬼神害盈而福識人道惡盈 上下

卦復於乾坤伏其下為思乎順

而好謙謹尊而光果而不可踰君子之終也

灾

2日車全書 一

紫巖易傳

主七

則久久則光大之道也惟有德者為能謙卦體內止

自天子至庶人未有不識而能保國持身謙則虚虚

福謙人道惡盈而好謙何謂也天地人一道此明一 艮萬物終始為有終天道下濟而光明地道里而上 道所喜神物所祐民人所歸其為亨也大矣艮在下 語之冝處之不競守以至虚節以禮義持以退抑天 吾心意與夫窮通得喪之分好惡喜怒之節飲食言 徒為早順馬禮之文也君子用止於謙凡外物之役 行天道虧盈而益謙地道變盈而流識鬼神害盈而 順德盛而止於內禮恭而順乎外是為謙无德而

之 四日年公共 居 **謙道故處上而人樂推之居下而天下後世視為楷** 光平而不可喻君子之終也君子德盛禮恭以充畫 聖人立衆繫辭於讓尤奉奉盖使天下後世俯仰 在 之上曰上行陽止於外而在坤上為剥陽止於內而 之間不敢須臾忘謹而思所以善其後也謹尊而 坤下為燕觀一陽升降天地人思之情狀畢見矣 議之三日下濟而光明光明良體坤三自剥 紫巖易傳 き 居 動 讌

招損議獲益猶朝必有暮冬必有春乾上自剥

象曰地中有山識君子以裒多益寡稱物平施 推其高剛而心止乎順然後能行禮於身以盡夫無 不可喻惟所用也 下為早為不可喻周孔一道用之尊則光用之早則 禮 聖人何為而臻此其必曰性止而德極於盛體 式周公乳子為然周公令德久而不替有終也然 行於身斯可以行於天下矣夫順天地鬼神之道 極於恭故數九三以陽處艮上為尊為光位在 順 坤 則 而

初六議 ķ 也。 ? 身又率天下而納之謙大功以立大治以成謙用 哉昔先王制禮使賢可俯而 而 曰 不至驕賤者不至污無有餘無不及用此道也雜卦 使天下遠害而就利必有禮制存其閒艮有止限義 3 坤道主平若并田行而王道威無他聖人用 5 謙君子用涉大川吉象曰謙謙君子甲以自牧 以制禮地中有山山得其平斯盖制禮之象 . 2.5 紫藏易傳 就不肯可致而及貴者 元 謙 於

用 念畢除誠信益大故德止於內而盛禮順於外而恭 傲将一肆心之所為其能行已以恭而有所建立於 其身識其心識內外俱進非静養之功何以至此且 天下乎君子止心至静不撓不奪其積功非一日欲 人不能盡力於議本夫放心不知求放心則驕亢怠 之又謹可以得天下心而濟其難軍以自牧盖君 止心之道必曰早云者遜志之學惟遜志不矜伐 自牧謙識之德本夫自牧初以柔處艮下體又

乊

屋白雪


東巴日華 A Man 六二鳴議自吉象曰鳴議自吉中心得也 鳴漁坎陽在中為中心 是以負負則得君而道行天下是以吉互坎坎水為 動上心莫非至誠忠厚有益國家之論非諛說無益 承坤為謙議互坎為涉大川上坤下艮坤為馬為牛 之辭曰鳴誦貞吉二何以貞惟中心自得不畔於道 坤為地艮為山為自牧 二以柔德居艮止中德積於中議形於言其所以感 紫巖易傳 丰

六四无不利捣谦象曰无不利捣譕不違則也 九三勞謙君子有終吉象曰勞謙君子萬民服也 終始為有終坤眾在上已下之為萬民服 令名而服天下之心乎以剛陽居產陰中為君子艮 擅事天下之争所歸非所以自全也其能保有萬世 有大功而不自以為功若禹不於伐周公公孫碩膚 王家臣之常分也於伐之心一生則恃功忽下安寵 二聖人者皆獲有終之吉三自師來曰勞議夫勤勞 四一一一

敦厚有容之德殆將使天下後世一視以為法而安 靖國家之福何可量哉 四以六居位得坤道正且德 斯威艮下互體又艮艮手為為謙不違則謂何為謹 之臣為其謙而散之不陵上不賣下動皆中理臣道 **謙至四德成矣上承謙恭不伐之君下覆功德盛大** 法律為則嗚呼若四豈徒能保守其爵位而已其 有失中之舉惟德成而動容周旋中禮故不違 順有常為議孰利互坎 則

一致定四庫全書 不服也 六五不富以其鄰利用侵伐无不利象日利用侵伐征 履天下大位而不自满假以親比上下上下一心不 德為大然則五猶有侵伐何也盖姦完害治治世 服可征五柔中得順止正且剛中摩陰莫不協輔 之接无不利也互坎在中坎陰為不服為侵伐夫聖 不能無惟謙德之大天下屬心用能正天下之不謙 以成其治舜命禹征有苗舞干羽格之初不待兵及 卷二号傳 一飲定四車全書 行師征邑國也 一六鳴謙利用行師征邑國象曰鳴識志未得也可用 利奉陰為鄰坤地生養萬物為富 澤及人者大上下順服散若四鄰用於侵伐何往不 而謂莫我若必欽必畏必恭必儉必親賢必聽言惠 敬得志天下莫若反身而求其讓惟謹則不自滿 議德虚名而優游玩日不恤生民之惟毒也君人而 用無盖將以收天下心而除其為天下害非徒 紫巖易傳 圭

應在三三以剛陽居互坎中有負恃懷險心為志未 岐謙德著聞伐崇崇違之退修德教而崇降其征邑 其謙於天下先自內始曰征邑國文王事也文王居 坤為牛為馬曰鳴漁坤為眾曰邑國邑內也上六正 國之謂乎志未得云者天下未由於識聖人所憂也 必用也征者正也以我之謙正被不識聖人必欲大 日利用侵伐上日利用行師利用云者於用為利未 鳴讓應五也上六鳴議將以率天下而納之謙五



金金金 豫治益大坤震位上下為侯四自師來為行師剛 定匹库全書 剛應志行云順以動豫九四致豫之道豫順以 而志行謂四也九四以剛獲奉陰應而其道上行 和之氣達矣是為豫豫惟順動故治可與害可去而 有是象不必有是事盖陽動於地產陰協應天地中 合其德建侯行師之利盖理之必然無可疑者天 如之而況建侯行師乎言豫之順 川頁 故日月不過而四時不成聖人以順 老二 動上可與天 動 動 應 故 日

欽 定四庫全書 動震春陽用事時以序行為四時不成互坎在中為 豫以刑罰清為大雷動於上坤順 先之至不後之是以日月四時得其正聖人法天地 因人心之中而用吾之中以有為於天下道無不順 刑罰可省民心說服曰刑罰清而民服刑罰不清 天地者如此夫天地之動無心而行以中氣未至不 和之德不能純被於上下民之從之革面而已 紫巖易傳 於下為天地以 盖 故 順 則

刑罰清而民服豫之時義大矣哉申言聖人合德於

象復上六曰迷復凶有災青用行師終有大敗師九 益著樂所由作也五曰比天下順比王道至是而威 乎君用之仁也當考一陽之生自復至比皆有兵戒 矜伐以來天下之善也四曰豫陽氣奮達利物之功 也六日剥守中則比遏則剥剥聖人之戒也中其至 而後可以去天下害也三曰謙聖人德大功立不自 自剥來一日復復心之剛以復其德也二日師德復 日月不過坎水為刑罰清坤下坤眾為民服且陽乾

不忘三驅禮馬聖人仁爱天下惟恐一 威 用 日王用三驅失前禽盖陽動而復天威已行至比 二日在師中吉六五日田有禽利執言謙六五日利 講 德 徳益著而生物之功至大聖人生物之功在兵 師之衆正可以舉謹之征伐可以體豫之行師 侵伐上六日利用行師豫日利建侯行師 比之三驅 勝聖人復其心以復其德復其政事然後可以 此一陽用事之序也夫天下順 発販易専 朝 计九 備 弛 比九 而害 たし 而 兵 則

祖考 象日雷出地奮豫先王以作樂崇德殷薦之上帝以配 樂於是可作樂由陽來樂作而德益崇夫使天下率 先王躬行之德治於天下百姓之害除而天下大院 歲樂身以兵為諱吾不知危亡之日矣戒之哉 之國豈不随哉若夫天下未定而曰我無事於復玩 加於百姓後世天下始定儒者急急偃兵息民之說 以從事夫禮樂之文導君驕奢縱逸之地卒至敗人

金

定匹庫全書 一

卷二十

初六鳴豫凶象日初六鳴豫志窮凶也 : 而無持操者是宣惟安逸豫以害其身推是心以往 考日配配以合德 由 上為帝二陰在震上為祖考上帝曰薦薦以盡誠祖 功於天也配祖考歸德於祖考也帝出乎震震在 下後世不知何時而已故曰作樂崇德云薦上帝歸 說之志萌於中發於聲音顔色盖小人陰柔至甚 禮樂之化是先王有以生之先王聖德日加於天 to duta I 紫巖易傳 手八

六二介于石不終日貞吉象曰不終日貞吉以中正也 世之為君臣者深察而欽遠之也 進聖人致戒於初不惟使小人知所懲艾欲天下後 德不已合是以志躬而凶夫初本震體用震變坤失 靡不振以已不正資幸四應惟諛說之圖而四有剛 且将害家害國害天下故凶初以柔處坤下其志委 人於豫首發鳴豫戒盖方天下安樂无事諂佞者易 ,剛矣剛德一失邪枉若是吁可畏哉震動為鳴聖

四周有可

卷二

立德止静之地而智足以見天下幾上不諂於九四 安静无補於豫者得無過手是不然夫天下說豫人 各循其所說而不虞後害古今一情也二處坤位中 者哉二有静止至德道之光明足以見幾於先日介 下不濟於二陰厚德鎮浮存豫有移風易俗守正止 于石不終日貞吉或日二獨人臣正位而介于石若 静故能照夫當天下說豫時諂瀆以交上下不比於 即暱於諂馴至喪身亡家亂國無疑矣豈為先見 家庭り 専

之望聖人深以二有功於豫謂天下後世宜仰望以 之喪德必矣繁辭曰君子知微知彰知柔知剛萬夫 而正君臣大義哉若二陰小人諛說之雄安可遍漏 中正君子若二者熟能行禮於身以杜絕未萌之志 福之分在四所處正不正開吁為四亦可危也不有 貞吉謂以中正獲吉豫九四有權臣象天下說從禍 難之功為用至大夫子者上交下交之義於緊辭盖 以卦之上下言之互艮艮為石震再變有離體為日

欽

定四庫全書

卷二

灾 足 习 華 全 善 六三野豫悔運有悔象曰野豫有悔位不當也 意見眉睫間曰野豫悔而四方為由豫主遲其行又 為標準也 象以示悔之必至也震再變離離為目曰盱在坤陰 無以超事赴功日遲有悔然則君子處此如何惟自 仰而視曰盱三位不中正以陰比陽切切然與望之 反以修德而已德尚中正上必我求何盱遲足云聖 惡夫在豫求之人不求之已始為客悅計者設此 紫藏易傳 李八

行也 九四由豫大有得勿疑朋盍瞽象曰由豫大有得志大 之不可一朝而或生於心也眾陰歸之由我而豫為 将堂望而去之孰與輔其德成其治乎曰勿疑言疑 再世而赤族吁可戒哉夫疑心一萌於智中天下士 不疑是以得賢才之助而永保功業漢霍先反之不 姬且總羣臣以輔成王誠信而已矣惟其待天下以 一陰性緩曰遲

豫哉夫惟盡其在我之誠使無愧於天地無欺於幽 明若雷動而奮仁德以行天下之賢其将合志同心 下可安吾身疑心一生合者將離尚可以致天下之 不可已耳夫眾賢協歸則上可安宗廟次可安百姓 勿疑之戒懼夫誠意或怠以失天下之賢極言誠之 陰為髮夫四以陽德字五陰惟履位不正聖人故有 以赴事功之會而我之德業永永無窮矣豈不美夫 紫巖易傳

由豫為朋為大有得坎中為勿疑一陽為首為簪衆

亡也 六五貞疾恒不死象曰六五貞疾乗剛也恒不死中未 欽定四庫全書 · 臣烏得以擅事於下六五以柔復中剛健不足四承 行也 嗚呼人君惟不安於逸豫則志明氣清其德剛健大 能勿疑乎九四自讓來宜其由豫而大有得志以之 非有至無之德而以天下為心不以一已失得為心 且近臣何疑哉不過曰恐賢才之勝已而死其進自 卷二


Wall to and to the Mill 孟子所謂一薛居州獨如宋王何者也是以五不免 義也且豫惟四獨陽位羣陰剛德不足不能為五助 上不當安於豫色倒持太阿以授其臣春秋尊王之 之訓聖人戒豫之君必欲勉進剛德以總攬權綱於 為疾震於稼反生為不死夫五以四豫聖人有貞疾 中位日中未亡其以先王德澤尚存子互坎坎心病 豫必怠宜不能有為天下也周室東遷則然五猶居 之曰貞疾盖柔道多牽雖日柔中而衆柔位上下在 紫巖易傳 罕

上六冥豫成有渝无谷象曰冥豫在上何可长也 憂于 克念作聖有渝之功也上處震上震動曰有渝云夫 有任事當權之臣不能私已而擅其事矣何貞疾之 朝多君子君其有不尊德其有不修國其有不治雖 冥而渝猶庶幾可保其宗廟社稷也不渝淪亡無日 陰極為冥性移志昏故冥成有渝許變也書曰惟狂 夫貞疾鳴呼人君慎無厭夫剛德之賢而亟遠之使

金

灾匹

厚全書 |



時隨時之義大矣哉

隨否之變剛自乾來下坤之柔日隨一變隨再變歸

על אין ים יישר קיי קייוט 💌

天下莫之從曰隨元亨利貞无各夫剛來下柔民心

紫嚴易傳

妹三變泰隨大亨利在貞不貞則無以率化天下而

違天下心惟正故天下樂從而莫違其教化然則天 賢而民心歸事大以正且夏忠商質周文聖人不能 不說從而率化者哉大亨正无咎而天下隨時謂得 不在時聖人自動天下說隨其義大矣且天道之運 下所隨者時也時實聖人為之是天下之隨在聖人 以孚有所不動動則說矣是謂隨盖民之繫命在賢 春祖秋歲功以成天下日用而不知隨馬而已若 柔則賢者獲用而得民之心用是以動天下其有

坂四周 · 1 □

卷二

欽定四庫全書 人 象口澤中有雷隨君子以嚮晦入宴息 静其動也仁天下說隨大功以著充西方為獨晦互 君子嚮晦宴息蓋隨時而養之以静也君子存身於 者動之基潛陽之德養於至静動以利 黙而雷聲神動而天隨從容無為萬物炊累馬盖静 之隨時於天也 神至静之地而後能盡動說之道於隨莊子日 きこ りゅう 物其動乃說 里 淵

夫聖人以貞動而使天下放於然從而化之亦若人

出門交有功不失也 九官有渝負吉出門交有功象曰官有渝從正吉也 者然也可不慎夫 養天下傅日君子有四時朝以聽政畫以訪問夕以 氣不昧而利物之仁大矣此君子用隨於一日之 修令夜以安身夫安身而後動則清明在躬平旦之 呼天地以至静之德生養萬物君子以至静之德生 異為入互良為宴息互震至光息伏曰澤中有雷鳴 間

一大 六二係小子失丈夫象曰係小子弗無與也 E 9 隨道在係夫正否且隨匪其貞在我則德損在事功 自震以往萬物滋生為有功交為應四 盖吾之所隨既貞功利何為而不及天下哉初從乾 則 隨矣故吉出門交有功謂如是而後可有為於隨也 上居震下為有渝互艮為門初本乾體乾道也貞也 君子動静本道惟道之從事雖變渝於道常貞得所 必不能建立在天下則必不能思利可不慎擇軟 ment de dies I 紫嚴易傳 里

弗無與也以二在隨居人臣中位舍應與初義有大 之貞者也失貞何以從事於隨聖人緊六二象辭 為小子係小子失丈夫惡彼動說捨吾正應是失隨 隨自初發也若交言其變則初位在最下有互艮體 不可者其戒夫居陋而不誠心一意以事其君者與 謂之小子初自乾上居坤下在卦體得動說貞卦日 丈夫謂舍五正應係初也且初於隨為動說主何以 二柔中無失德然於隨用柔柔道多牽曰係小子 E

Æ

AT THE IN

卷二

舍下也 钦定四庫全書 人 六三係丈夫失小子隨有求得利居貞象日係丈夫志 惟君之隨人臣大義也其可不安而行之三擊四而 有求而得者也利居負謂何臣事君有君而已惟道 事君以道三之繫四本以通五求而得之貞莫大矣 日利居自者盖聖人深著不可附麗權臣之戒夫四 拾初從四四以道事五因四以通五志必行於隨隨 紫巌易傳 翠四

四五以乾陽在上為夫

義凶也有孚在道明功也 九四隨有獲貞凶有孚在道以明何各象曰隨有獲其 月在天有目有趾莫不待以成功何各復得哉故曰 疑功可成矣伊周事業卒暴白於天下後世誠也且 道雖貞其義則凶惟至誠守道動皆中理則君信不 已孜孜然正心欽已日以匡國家利天下為事譬日 伊尹周公臣也而實受天下隨處伊周任重甚難其 志舍下謂舍初互異異入為求有得 钦包日車全書 一 九五字于嘉吉象日子于嘉吉位正中也 古嘉指二二柔順中正在隨為嘉不然君臣俱剛 中德日修賢者信之惠然肯來曰孚于嘉賢者隨之 其道光明為以明 有孚在道以明何各而象以為明功也盖有字在道! 則天下莫不隨矣傅曰天下之父歸之其子馬往故 中有互民體民手為有獲民剛止於中為子為道民 則動心中道事業日著是為明功九四居動說相應 紫藏易傳 宝

窮也 上六拘係之乃從維之王用亨于西山象曰拘係之上 若太王事之以皮幣犬馬珠玉不得免馬也太王其 陽之氣各得中相應是以手也 震中萬物自此趨亨嘉之會為嘉五以兒中應二陰 心本於仁太王去が周業以昌王道以行上窮云者 既拘係之又維之人之說從有不能自解也固結人 以隨惟剛柔相濟而以中率天下隨隨道亨矣二居

盡元亨利涉大川先甲三日後甲三日 彖曰 盡剛上而柔下異而止盡盡元亨而天下治也利 艮吳下 涉大川往有事也先甲三日後甲三日終則有始天行 陰在上志未行於隨日上窮 維之之辭上六居動說上天下樂隨而所復陰位以 事窮其道通自三至上互體皆異異為絕故有拘緊 ž 1. 1. 1 紫巖易傳 累

金定四庫全書] 有事於天下以正其弊大其治也故涉川為利序卦 消乾剛仁心淪失泰治以墮風化於是衰矣必復其 後甲三日何謂治盡在仁德在挈綱領而圖其本在 退點日復一日網紀浸处盡之為由心起也坤柔下 日有事而後可大變異互坎在中為利涉先甲三日 心盡乃可治盡以元亨元仁也盡元亨利涉大川籽 不仁而奢侈暴虐之為流毒天下則邪佞得志忠良 天下事至陵運大壞莫可支持自人君心念始君心

蠱剛上而柔下異而止盡盡元亨而天下治也利涉 慎其行終而復始法天之健可以致治乾納甲先三 為小畜乾在下四變為无妄乾在上先甲後甲象也 之與起先甲三日要終而思其弊後甲三日圖站而 大川往有事也先甲三日後甲三日終則有始天行 日異初也後三日艮上也治盡者可以復泰巽一變). J. [紫巖易傳 里七

不息甲十日長仁也萬事之本也夫事之弊壞非大

振其綱領而務以仁德治天下使天下歸心則事莫

也且夫剛上柔下異而動為恒震異剛柔相配陰陽 象治盡用異之仁復艮之静仁德既止天下率化而 之臣有以敬感其君而君安之不盡何為哉聖人觀 少男在上長女承之陰陽失其序拂其常譬夫柔順 各得其位是以有常而亨也剛上柔下異而止為盡 止柔下而順為君者高亢而德日消為臣者邪佞而 也人君剛健篤實輝光日新其德事奚盡惟剛上而 日盛臣順而論君止而怠治道以墮蠱之所以盡 卷二

歃

定匹庫全書

交色日華白島 象日山下有風盡君子以振民育德 其常度非長養萬物之風也譬諸風俗陵壞於天下 盡可事曰盡元事而天下治曰元事云者仁而後事 下之材不可勝用振而育之之功也且山下有風失 作成人材以與弊補壞周宣用之夫人各有德顧在 乾為天行異木為利涉 蠱以仁亨也如是而後可以大有為於天下巽一變 上者養之如何耳先王盛時學校與禮化行終致天 紫嚴易傳 哭

承考也 初六幹父之盡有子考无答属終古象日幹父之盡意 意專在尊宗廟定國家育民人子道既盡考德以大 是謂有子是謂考无咎厲終吉戒以誠勉也属而吉 異仁居盡下有仁德以治蠱而欲一大變其風俗其 上來居乾下為幹父之盡乾初在上父象也夫初以 行異之權陰救其弊而實顯其美日有子考无各坤 君子觀象將以復風化而大變其俗育德其可緩哉 大王日日 A. d. To 九二幹母之盡不可貞象日幹母之盡得中道也 道云二以剛居異中是謂得中道 成王善用其中終能大文武之業不可貞謂不可過 事繼世主而事適墮壞求以治之其道貴中不可過 承考 貞非直謂貞道不可行也故夫子明為之訓曰得中 可終矣初柔順非厲則德莫之進位去上最遠曰意 遇則失中且强所難能卒不可行何益於治周公相 紫巖易傳 咒

六四裕父之蠱往見各象曰裕父之蠱往未得也 九三幹父之盡小有悔无大谷象日幹父之盡終无咎 欠 匹 昼 台 100 裕三剛過中與上敵應事固有力争必行者故小有 為子為臣剛中是貴剛不可過然在蠱剛過猶愈於 然則人君用臣於盡寧取剛過無取裕裕何以立 惟其設心立意本於治盡而卒歸於正是以无大 而保其社稷人民邪

六五幹父之盡用譽象日幹父用譽承以德也 **靈至四異極而止故裕西漢公孫引以阿容無補君** 承以德不承以事故用譽且舉行政事未節孝之細 體為裕上本乾位故二四五皆日幹父之盡 謂不我恤也何往而得志於君哉陰止於下有光説 安以幸其無事不仁莫大若是者民将視之猶仇讎 臣之間各道也夫居上位不汲汲救天下獒玩日偷 又安能有惠及天下且有今開於後世哉五得柔中 紫巖易傳

上九不事王侯髙尚其事象曰不事王侯志可則也 其位艮止異上心止於仁臣剛而應用能修德於盡 為不事王侯伊尹復辟告歸體此也後世若漢留侯 不有其功記日終事而退臣之厚也位居民上民止 顯親而大其業以盡夫奉先寧親之孝莫若及已行 原在徳不在事徳失則事弛徳修則事立君人者欲 以来厥譽夫天下之事委靡獎壞莫之振起完其本 仁勉夫在我之徳互光為譽

金灰口匠白言

臨元亨利貞至于八月有凶 坤 上 享天下之利進退有度其志可則變異有離體為志 則謂何功成身退不牽罷辱志在利天下而不在夫 君子潔身而去以順天道可也不然咎将及之志可 来有剛健果斷之德且蟲至上仁德已多天下己治 無補天下國家而日我姑退是足為高乎上九自乾 天下已定奉身而退庶幾高尚者哉不然已在上位 索嚴易車 1

也至于八月有山消不久也 **录日臨剛浸而長説而順剛中而應大亨以正天之道** 昔保天下者率兢兢堯咨舜舜命禹皆曰四海因窮 乾陽序進以復其位至臨而二陽生於下剛德內充 徳未備其見於用者大亨以正而己故求解别白言 **反匹庫全書** 足以有臨元亨利貞乾四德也臨有復乾之道而乾 之八月有凶戒也陽長而臨己戒陰生聖人知幾自

天禄永終懼有山也推是心以臨天下又安有失徳

钦定四車全書 臣合德以臨天下天下順說其事也大臨日天之道 生物之功者道之自然也是故天道之大在生物生 本諸天也臨自坤變乾剛上進将復坤以歸乾天道 謂二九二剛中道德之美上說君心而六五下之君 无妄曰天之命道自下升命自上降盖剛德浸長而 行乎其中剛浸而長指二陽說而順卦體剛中而應 順剛中而應大亨以正天之道也聖人明臨之利貞 於身者乎自此至避歴八數曰八月剛浸而長說而 紫巖易傳

象日澤上有地臨君子以教思无窮容保民无疆 容保者大哉後世以勢臨人一決而潰德教淺也三 民之從其教化也亦無己故遠而夷狄恃之以安所 教不任刑罰深仁厚澤思有以固結天下之心無己 剛長為天之道其肯深矣 足以說民心而民順從之也自古先王臨天下任徳 物者天道之貞君子協進生物之功可以配天易以 陽說於下四陰順於上陽為德陰為民君子之德

於至日華 在 · 初九成院貞吉象日成院貞吉志行正也 貞而吉夫四陰以上臨下陰惟陽之求初以陰居下 志虚其心以道而感通乎上者也初九位在陽先必 其思為長久計也審矣 為教澤為容无窮无疆皆自坤發之澤上有地臨民 復斯象知教化防範不可一日弛於天下兒口澤說 而得其防且得其歡心也讀禮書坊記篇君子設教 一陽以免說進免為澤其體虚日成臨成臨盖公其 紫裝易傳

九二成臨吉无不利象日成臨吉无不利未順命也 時而以剛中應五道合從弗合去盖必有以感動人 事君而感之以道利孰大馬道何也中也二得位得 主心意收大人正君之效伴純於乾德而後己固不 貞然後可以臨人而易變其風俗也 基於此乎漸日進以正可以正邦然則在臨之先必 苟所適不正莫可有為於臨矣惟初得陽之一志專 應四而求比於五以陽感陰其誠易通臨大之治其 The relation like 說定四軍全書 憂之咎不長也 六三甘臨无攸利既憂之无咎象日甘臨位不當也既 肯偷容苟合終至危人之國使其君不能有臨也故 致其君為堯舜君必有所以大正其心固非屑屑順 命者能之異為命及異日未順命且陽進變陰志方 日无不利陽進陰伏而君臣之德同何往不利大抵 上達彼豈肯以順而丧其節也哉 二居免說上其位不中以柔順之資求說二陽是謂 紫戲易傳 五

子哉夫臨人而 各且夫甘德之失也德失憂之可以无咎吾以 在臨无攸利矣六三互位有 姓固可欺斯 心也况用之君子安能有說而題倖君子肯從 可也下君子而化之陰消陽 止為既憂憂之如何易心退 君子說之不以道不說也如之何欲以甘 須而其久必離 不 能内盡其誠徒規規求說於外 坤 何哉誠不足以 聴 復 順 馴可致泰 震動艮止泉 而以至誠 順 固 臨 絽 岩 君 君

六五知臨大君之宜吉象日大君之宜行中之謂也 六四至臨无谷象日至臨无各位當也 位當也 君互體坤中而一心應陽不撓其進上順於君下說 於民臣德至矣何所可咎象言位當謂與初正應其 五日大君四日至臨至坤德也四以順德下應初陽 知遷善功足以格天獨患夫為之不力耳 順賢其徳必進其道必行臨之至也夫四位近 索戴易傳 五五

君不君矣非所宜於臨也六五用柔之中德順有常 浸長君子道盛君天下者於此何為哉行中徳以任 中而亢志自用疎遠忠賢是以在治忘亂不戒陰生 大位以臨天下每患恃其聰明智力而不知屈己下 政事法度浸至墮壞而失夫所以臨治之道臨二陽 定四庫全書 有剛德而用之以柔知臨也且夫人君惟不知行 騎盈怠傲日肆一日忠言莫告以顛以覆若是則 子斯無為而利澤及天下得臨之正矣盖人君據

金金

欽 上六敦臨吉无谷象曰敦臨之吉志在内也 定四車全書 稱 乾且得賢而所臨者大曰大君六五居坤順中下 成王之聰明智力也成王知臨矣剛長於內将復於 兒澤之虚德順有常而能虚已下賢是以有大君之 盡誠以行其中二陽協應臨道以大吉孰禦也周成 虚其心損其剛下應於陽凛凛然惟懼陰之復生而 任周公為知臨政事一出恃為心腹周公聰明智力 紫巖易傳 至六

異中下 未有能善用其志者矣 騎九自處蔑棄賢才非厚徳君子以天下百姓為心 有坤體下臨二陽為志在內夫臨人而在上位鮮不 說歸吉可得矣坤上為敦見承坤以免陰合坤陰復 賢之順二陽非已應拳拳若不一日忘德之厚也日 上處臨極及得坤之厚不以勢位臨下操心積意惟 臨且居上臨下而獨以厚賢為志賢進道泰天下

象日大觀在上順而異中正以觀天下觀盥而不薦有 神道設教而天下服矣 思有以止而化之為君天下計甚厚也夫使為天 多山四陰通有觀象聖人意何在也聖人憂陰之 陰生一日始二日逐三日否五日剥陰長陽消其卦 君而能本中正至剛之德以治天下天下觀而化之 題若下觀而化也觀天之神道而四時不太聖人以 盥而不薦有孚顋岩

たこう

J. J.

紫巖易傳

五十七

不息始終如一足以感格其字題若下觀而化觀道 率天下悦服歸之化道於是盛行馬稽諸天道觀為 之德浸長於內至觀剛得位而在上執異之仁以字 可常治無亂又何憂陰之復起哉且觀自臨来二 月卦兒金用事化萬物而擊斂之將使復其純 盤則誠至薦怠矣人之通情也盥而不薦則誠 非若否之閉而不通此觀之所以獨異於諸卦 盥而不薦有多颙若謂何祭祀之禮先盥後薦 岡リ

企

贞

四月全書

卷二

Ł 薦大觀在上順而異中正以觀天下謂何聖人於天 修身而中正者修身之本聖人體中用正無過失 異潔齊艮手為盥下坤坤地備物為薦坤在內為不 天下舉海內之心皆為我心心之所格孰不化顋 於是盛矣舜恭已正南面顯若也盖聖人之誠本自 E I 用斯為大九五以巽仁居互艮上艮止為有孚互 異所以行其化中正所以成其化順異中正孰不 視同之其徳大曰大觀陽大在上曰大觀在 ment de delle 1 紫嚴易傳 平八 岩

民從化莫知所從其道如神曰聖人以神道設教 天以誠運而四時不失其序曰天之神道聖人仰 心悦而從之下觀而化理宜然也觀天之神道而四 自西自東自南自北無思不服神道格應之功也 樂施之刑政皆教也聖人之教自身達之天下斯 天以躬行其至誠有教存乎其間本之仁義者之 不成聖人以神道設教而天下服矣神者何誠也 有四時數異風為神坤順為天下服

初六童觀小人无各君子各象曰初六童觀小人道也 象曰風行地上觀先王以省方觀民設教 童觀語曰民可使由之不可使知之謂民可率而使 為省方為觀申命為教坤地為方衆為民 方以至誠愛民之心而修其教化不徒出也異白眼 俗若風行地中隨所寓以致生養之功夫先王之省 教之本在誠其具則禮樂刑政夫禮樂刑政必因其 以陰處坤下為童增不足以有觀若童之無知 日

J. 11.

紫巖易傳

五九

六二規觀利女貞象日規觀女貞亦可配也 鉒 由吾化不可强以知也童觀在小人則无咎若夫士 闔户謂之坤居坤陰中曰閥乾一變異卦體互異異 配且夫履柔守静臣道之常然大觀在上非剛中 坤故初有君子小人二象 君子不能觀上德化以修其身而朝夕於中正之 眼為鬩陰得中為利女貞互異見有順說之性為 天下是君子無所用於觀也其道各觀自乾變

欴 定四車全書 是為貞其事則可配也夫女從人者也若君子道合 默守常無所建明順說以從其上而己君子不知恥 體上有剛健中正君以至誠之德風動天下而已默 而後從其所見遠且大又安肯枉已徇人若關觀者 可也君子而知耶能一日安於觀哉日利女貞女以 臣則不能與上合徳以格正其君而大有為於當世 可副大觀之求也且處羣陰中而厥觀不遠昧於大 君子必謹養剛徳保識明學正而後有遠大之見 紫巖易傳

一六三觀我生進退象日觀我生進退未失道也 本讀生民尊祖之詩可見矣六三位雖不中而得坤 也變異為進退坤地為生嗚呼後世不度徳量才以 推四而下之不敢率先以上比大觀主於臣道未失 近高位於是而始圖進退可乎盖三度已徳不若四 正體順静有常進退之際知所欽擇雖然三在觀己 度已徳業以為進退日觀我生君子事業以生物為 所為子

六四觀國之光利用實于王象日觀國之光尚實也 德本於性成於學著於天下君有明德動作施為問 繫之安可重一己而輕天下哉是大惠大愚者所為 書稱克口光被四表舜口重華協于帝人君光明之 君子不取也 貪冒大位蔽賢疾能莫知省已以贻禍天下觀六三 不率由禮義天下将化之而為禮義國其光矣四體 之風亦可少愧矣彼豈知一己進退天下休戚利害 A data 紫巖易傳

九五觀我生君子无谷泉曰觀我生觀民也 歃 釋四日尚眉謂道徳之臣宜尊顯其禮而師友之不 中正於上化道斯盛異東南價位故曰利用實孔子 著利莫大矣且大觀在上必有不召之臣相與躬行 君觀君以行志王如實之弗臣則道德日聞功效日 定匹庫全書 君臣事業在生物而人主生物之徳尤著見於民盖 仁異之實厚陰軍順盖賢徳之大者用能觀國以觀 可輕也二陽得位在坤上為國光


東日車台書 五剛中復有君子助而象止无咎盖陰勢已盛須至 君子設法至公戰戰栗栗若朽索之御六馬無斯須 化之復視民從化於我何如以反求諸身九五化民 之念不在民是以能常保其治也大觀四陰在下九 理自然也九五剛中在位至誠之德既已先天下而 徳修於身民化於遠而天下莫不安其生遂其性其 君正則民正君民一體耳譬猶響之應聲影之隨形 之心誠矣故无咎夫民猶水也水能載舟亦能覆舟 紫巖易傳 空

上九觀其生君子无谷象曰觀其生志未平也 戾邪志未平見君子憂君憂時心不少忘也五觀我 消又况陰道日進為天下害君子於此其能自免於 志不忘君且不忘天下日觀其生二交陽居之皆曰 君子且夫四陰浸長上九雖不當位而道徳足以為 天下觀使遂漠然無意於時將孰與助五而止陰之 誠之道不息治抵於泰而後吉耳五異體五艮仁以 止故於觀能盡其誠而為大觀主

1147	を設め時		
			-
為義	生上觀其生皆取坤陰生物為義	觀其生皆	生上

· 整展易傳卷二		1		, ,	 1	:	
	紫巖易傳		-				· 鱼灰匹厚全書
	 					·	
							-

謹案第二十二頁前三行然則曷可不亟求之於 微下而進用之哉利本曷能盖今改後同





校對官編 監 監

修臣鄭 爔臣金學詩

生臣

魏廷